



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An liceat cuivis Sacerdoti privatum Missam celebrare die Jovis sancto,
& Sabbatho sancto?

urn:nbn:de:hbz:466:1-41144

bus fidelibus Defunctis, anve etiam in specie pro aliquo, vel aliquibus in particulari applicare possint?

QUÆR. III. An, & quomodo delinquit Sacerdos simplex, qui raro, vel nunquam infra annum Missam celebrat?

§47

AD I. Q. Licitum esse cuiusvis Sacerdoti die Jovis Sancto privatum & secluso scandalo celebrare, talitem ante inceptam Missam solennem, docent Navar. cap. 25. n. 88. Valq. tom. 3. D. 232. cap. 2. n. 15. Marchinus de Sacram. Ordin. tr. 3. p. 3. cap. 8. Aversa q. 11. S. 15. Tamb. l. 1. c. 6. §. 1. Suarez D. 80. S. 2. Emmanuel Sà V. Missa n. 23. Gobat t. 3. n. 219. Sotus, Lugo, aliisque cum & apud Diannam p. 9. tr. 9. R. 24. & p. 4. tr. 6. R. 19. & apud La Croix l. 6. p. 2. dub. 3. qui sententiam hanc satis communem appellat. n. 231. Rationem dat Vasq. l. c. quia neque jure scripto, neque consuetudine vetitum est hac die Missam celebrare.

Verum ad consuetudinem quod attinet, haec pluribus in locis obtinuit, ut uno celebrante reliqui communicent, in memoriam Christi Domini Apostolorum communicantis, ejusdemque passionis, quam consuetudinem utique pie, ac laudabiliter servari convenit, quin & Tambur. l. c. fatetur, hanc esse praxim consuetam, & ipse

Vasq. l. c. ait convenientius esse, ut eo die reliqui Sacerdotes praeter solenniter celebrantem à celebratione abstineant, & ad imitationem Apostolorum de manu illius, tanquam de manu Christi, Eucharistiam accipiant. Imò Gavantus Tit. VIII. de seria V. in Cœna Domini. affert Rescriptum S. Rituum Congregationis datum 27. sept. 1608. jubentis, ut Clerus ea die in Missa communicet, quod servandum esse ait. l. c. n. 6.

Sabbatho Sancto cuivis pariter licere ob justam causam, & amoto scandalo, privatum celebrare censuerunt Sotus dist. 13. q. 2. a. 2. Sylv. Garc. Arnic. Leand. Suarez l. c. Azor. Tambur. l. c. ubi ait nullam de hoc aedifici prohibitionem, & si quæ fuit, jam abrogatam esse usu etiam timoratorum.

Verum contrarium hodie cum aliis tenendum est tum ob consuetudinem, quæ jam invalvit, saltem in hisce partibus. tum quia sacra Rituum Congregatio die 12. Febr. anni 1690. & die 11. Mart. ejusdem anni censuit celebratorem

nem Missarum die Sabbathi sancti omnino prohibendam in quibus cunctæ Ecclesiæ & Oratoriis privatis, atque unicam Missam solemnem celebrandam fore præcepit; sic enim loquitur: --- *In Sabbatho sancto omnino prohibentur Missæ privatæ in quacunque Ecclesia, aut Oratorio privato, non obstante contraria consuetudine.*

548 Ad 2. Q. Communis sententia hactenus habuit apud La Croix l. 6. p. 2. n. 515. ut in festo animarum Missa ex intentione Ecclesiæ applicetur omnibus Defunctis in communi: Unde Gavantus p. 4. in Rubr. Miss. tit. 15. ita loquitur: Hoc loco monendi sunt Sacerdotes, sacrificium Missæ Defunctorum hac die applicandum esse omnibus defunctis ex intentione Ecclesiæ, neque ideo fit injuria iis, pro quibus quotidiana forte extat obligatio Missæ; prævalet enim lex tacita rationabilis Ecclesiæ legi privatæ testatorum. Et licet neuter Doct. ulteriore rationem ibi afferat, uaderi tamen potest Ecclesiæ mens, & intentionis hisce rationibus à Tambur. l. 3. cap. 3. §. 1. n. 9. adductis. 1. Quia hoc consuetudine ita introductum esse videtur. 2. Quia in titulo primæ Missæ Defunctorum dicitur: *Missæ in Commemoratione omnium Fidelium Defunctorum: si omnium, ergo non unius, vel alterius in particulari; præsertim cum & oratio in Missa illius diei sit ge-*

R. P. Leonardelli Soc. Jesu.

neralis pro omnibus Defunctis. 3. Quia mens Ecclesiæ in tali solemnni die videtur esse ut generaliter omnes Defuncti, etiam qui alias destituti sunt aliis suffragiis, sic adjuventur. 4. Quia etiam in Missis quotidianis Fundationum propter pietatem erga purgantes animas ita præsumi potest voluisse quoscumque Missarum Fundatores. Hæ tamen rationes non videntur Tambur. l. c. inducere obligationem, & præceptum, sed consilium duntaxat, & convenientiam, nec apparere, eam consuetudinem sub obligatione introductam esse, quod confirmat Responsum, quod legitur, datum à S. Rit. Congregatione 4. Aug. 1663. quod eo die Missa applicari possit tum in genere pro omnibus, tum in specie pro aliquibus Defunctis; cui, si authenticum est, poterit, qui vult, se conformare; ego in praxi lequor piam sententiam in suffragium, & auxilium tot animarum, quibus alias pauci, vel nulli suffragantur eo solenni die ab Ecclesia in solarium, & subsidium omnium Defunctorum piè ac sanctè instituto, idque menti piæ matris Ecclesiæ conformius esse censeo,

Ad 3. Q. An simplex Sacerdos vi solus Ordinis aliquando obligetur ad sacrificandum?

Non nulli etiam magni nomini DD. cum D. Bonavent. in 4. Fff dist